

大唐開元禮



大

志

剛

正

道



大唐開元禮卷第一百六

嘉禮

臨軒冊命皇太子

十日

告園丘

告方澤

告太廟

臨軒冊命

謁中宮

謁太廟

皇帝會羣臣

羣臣上禮

皇后受羣臣賀

皇后會命婦

皇太子會羣臣

皇太子會宮臣

宮臣上禮

十日

冊皇太子有司十日如別儀

告園丘

告方澤

告太廟

右竝有司行事如常告之儀

臨軒冊命

前一日尚舍奉御設御幄座於太極殿北壁下南向
守宮設皇太子次於東朝堂之北西向設羣官次於
東西朝堂太樂令展宮懸於殿庭又設舉麾位於上
下鼓吹令設十二案於建鼓之外乘黃令陳車輅尚
輦奉御陳輿輦竝如常儀典儀設皇太子版位於大

橫街之南道東北向又設羣官版位文官一品以下

五品以上於懸東六品以下於橫街之南俱西向武

官一品以下五品以上於懸西六品以下於橫街之

南當文官俱重行東向諸親於五品以上之南皇宗親在

東異姓親在西蕃客分方於六品以下之南皆以北為上竝

如常儀若有朝集使分方於文武官當品之下諸州使人分方於朝集使九品之後設典

儀位於懸之東北贊者二人在南少退俱西向奉禮

設門外位皆如元日之儀其日皇太子相出前二刻

宮官應從者俱服其服訖衛率各勒所部陳設如常

左庶子版奏請中嚴諸侍衛之官各服其器服詣閣

奉迎僕進金輅於閤外南向左內率一人執刀立於輅前北向贊善一人在侍臣之前贊者二人又在贊

善之前左庶子版奏外辦僕奮衣而升正立執轡皇

太子具服遠遊冠

若未冠則雙童髻

絳紗袍升輿以出左右

侍衛如常左內率前執轡皇太子升輅僕立授綬左

庶子以下夾侍如式贊善進當輅前跪奏稱贊善臣

某言請發引俛伏興退復位

凡贊善奏請皆進當輅前跪奏稱具官臣某言

訖俛伏興

輅動贊善與贊者夾引以出左內率夾輅而趨

至侍臣上馬所贊善奏稱請輅權停令侍臣上馬左

庶子前承令退稱令曰諾贊善退稱侍臣上馬贊者

承傳文武侍臣皆上馬左庶子以下夾侍於輅前贊
者在供奉官人內侍臣上馬畢贊善奏稱請令車右
升左庶子前承令退稱令曰諾贊善退復位左內率
升訖贊善奏稱請發引退復位皇太子輅動三師乘
車訓導三少乘車訓從鳴鐃而行文武宮臣皆乘車
以從至下車所鐃吹止至次前迴輅西向內率降立
於輅右左庶子進當輅前跪奏稱左庶子臣某言請
降輅俛伏興還侍位皇太子降輅舍人引皇太子就
便座侍衛如常儀其日依時刻諸衛勒所部列黃麾
大仗屯門及陳殿庭如常儀羣官諸親客使等依時

刻俱集朝堂次各服其服侍中版奏請中嚴鉞戟近
仗入陳於殿庭太樂令帥工人入就位協律郎入就
舉麾位諸侍衛之官各服其器服符寶郎奉寶俱詣
閣奉迎通事舍人引羣官客使就朝堂前位典儀帥
贊者先入就位舍人各引羣官客使次入就位皇太
子出次舍人引皇太子三師三少導從如式入立於
殿外之東西面諸衛率左右舍人及近侍量人從入黃門侍郎以冊及
寶綬各置於案上皆令史二人絳公服對舉案立於
門內道北西面冊案在北中書侍郎立於案後侍中
版奏外辦皇帝服袞冕之服御輿以出曲直華蓋警

蹕侍衛如常皇帝將出仗動太樂令令撞黃鍾之鐘

右五鐘皆應協律郎跪俛伏舉麾鼓祝奏太和之樂

鼓吹振作皇帝出自西房即御座南向坐符寶郎奉

寶置於御座如常協律郎偃麾夏啟樂止凡樂皆協律郎舉麾

工鼓祝而後作偃麾夏啟而後止舍人引皇太子入就位三師三少以下從入

者立於皇太子東南西面北上皇太子初入門舒和之樂作至位樂

止典儀曰再拜贊者承傳皇太子再拜典儀曰再拜

羣官在位者皆再拜中書令降立於皇太子東北西

面中書侍郎一人引冊案又中書侍郎一人引璽綬

案進立於中書令之南少退俱西向中書侍郎取冊

進授中書令退復位中書令稱有制皇太子再拜讀冊訖皇太子再拜進受冊退授左庶子中書侍郎取璽綬進授中書令皇太子又進受璽綬退授左庶子中書令以下還侍位持案者以案退典儀曰再拜皇太子再拜典儀又曰再拜羣官在位者皆再拜舍人引皇太子出初行樂作出門樂止侍中前跪奏稱侍中臣某言禮畢俛伏興還侍位皇帝興太樂令令撞蕤賓之鐘左五鐘皆應鼓祝奏太和之樂鼓吹振作皇帝降座御輿入自東房侍衛警蹕如常儀侍臣從至閣樂止通事舍人引羣官在位者以次出

蕃客
先出

謁中宮

前一日所司設皇太子次於永安門外之西東向周以行帷鋪座如式又設三師三少等便座於西南東面北上其日諸衛各勒所部屯門列仗及陳布於皇后正殿南門之外皇太子將至尙儀版奏請中嚴皇太子受冊訖舍人引皇太子三師三少導從及餘侍衛皆如常儀詣皇后所御之殿閣外道東西面立六尙以下各服其服俱詣皇后內閣奉迎尙儀版奏外辨皇后首飾禕衣御輿以出卽御座南向坐侍衛如式內謁者監引皇太子至肅章門

其侍衛之官竝立於肅章門之外

司賓承引皇太子入立於庭北面立定皇太子再拜
訖司賓引皇太子至閤內謁者監承引以出舍人引
之次侍衛如式三師三少以下各之次

謁太廟

前一日右校埽除廟之內外守宮設皇太子次於廟
西南東向又設三師以下及文武侍臣次於皇太子
次之後少近西俱東向奉禮設皇太子版位於廟庭
道東北向其日皇太子入受冊所司轉鹵簿仗衛於
永安門西以俟皇太子朝皇后出訖舍人引之次侍
衛如常僕進金輅於次前左庶子版奏外辦皇太子

出次乘輅奏請發引及侍臣陪從鑾吹聲作皆如初儀至安上門街當廟西鑾吹止至次前迴輅東向內率降立於輅右左庶子進當輅前跪稱左庶子臣某言請降輅俛伏興還侍位皇太子降輅乘輿入次侍衛如常儀皇太子入次一刻頃率更令立於次門之外左庶子版奏外辦皇太子出次侍衛如常率更令引皇太子入自南門三師三少導從如式庶子二人一人贊左一人贊右舍人二人從近仗量人從入皇太子至位立定率更令奏請殿下再拜皇太子再拜少刻率更令奏殿下辭皇太子再拜辭率更令前奏

禮畢率更令引皇太子出自南門入便次侍衛如常
皇太子既入便次有司轉仗衛於還塗如來儀僕進
金輅於次前如常庶子版奏外辦皇太子乘輿出次
升輅侍衛如常侍臣上馬陪從皆如來儀輅動過廟
鳴鑣而行至重明門宮官文武俱下馬皇太子乘輅
入三師三少還皇太子至東閣前迴輅南向左庶子
跪奏請降輅俛伏興皇太子降輅乘輿以入侍臣從
至閣左庶子版奏請將士各還本所

皇帝會羣臣

右皆如元會之儀其上壽辭云具官臣某等稽首言

皇太子岐嶷夙著令月吉日光踐承華臣等不勝大
慶謹上千萬歲壽

羣臣上禮

前一日守宮量設次於東西朝堂如常其日應上禮之
官依時刻各集於次皆服朝服奉禮先設上禮之
官位於東朝堂之前近南文東武西重行北向相對
爲首又設中書舍人位於文官爲首者之北南向設
奉禮位於文官東北贊者二人在南差退俱西向謁
者各引上禮之官就位立定令史二人對舉表案禮
部郎中引中書舍人前取表授舍人訖引案退奉禮

唱再拜贊者承傳在位者皆再拜中書舍人奉表入
進謁者引在位者退

皇后受羣臣賀

右皆如元日奉賀之儀其賀辭云皇太子岐嶷夙著
令月吉日光踐承華臣等不勝大慶謹奉賀以聞內
給事宣令答云知

皇后會命婦

右皆如元日之儀其上壽辭云具位妾姓等言皇太
子岐嶷夙著令月吉日光踐承華妾等不勝大慶謹
上千萬歲壽

皇太子會羣臣

右皆如元會之儀其賀辭云伏惟殿下固天攸縱德業日新式光震宮普天同慶某等情百恆品不勝欣悅左庶子宣令答云某以不敏夙承禮訓祇奉朝命慚懼惟深

皇太子會宮臣

右皆如元會之儀其上壽辭云具官臣某等言伏惟殿下固天攸縱德業日新式光震宮普天抃躍臣等不勝大慶謹上千萬歲壽

宮臣上禮

前一日守宮量設次於東宮朝堂如常其日應上禮之官依時刻各集於次皆服朝服奉禮先設上禮之官位於朝堂前文東武西重行北向相對爲首設太子舍人位於文官爲首者之北南向設奉禮位於文官東北贊者二人在其南差退俱西向通事舍人各引上禮之官皆就位立定令史二人對舉表案詹事前承引就太子舍人前取表授舍人訖引案退奉禮唱再拜贊者承傳在位者皆再拜舍人以表入謁者引在位者皆退

大唐開元禮卷第一百六

大唐開元禮卷第一百七

嘉禮

內冊皇太子

十日

告園丘

告方澤

告太廟

臨軒命使

皇太子受冊

皇太子朝見

謁太廟

皇帝會羣臣

羣臣上禮

皇后受羣臣賀

皇后會外命婦

皇太子會羣臣

皇太子會宮臣

宮臣上禮

十日

冊皇太子有司十日如別儀

告園丘

告方澤

告太廟

右有司行事如常告之儀

臨軒命使

將行冊禮所司奏請太尉爲使司徒爲副 前一日
尙舍奉御設御幄於太極殿北壁下南向鋪御座如
常守宮設羣官次於東西朝堂太樂令展宮懸於殿
庭設舉麾位於殿上西階之西東向一位於樂懸東

南西向鼓吹令展十二案於建鼓之外乘黃令陳車輅尙輦奉御陳輿輦竝如常儀典儀設羣官版位文官一品以下五品以上於懸東六品以下於橫街之

南俱重行西向武官一品以下五品以上於懸西六

品以下於橫街之南當文官俱重行東向諸親於五

品以上之南皇宗親在東異姓親在西蕃客各分方於六品以下

之南皆以北爲上竝如常儀若有朝集使分方於文武官當品以下諸州使

人分方於朝集使九品之後設典儀位於懸之東北贊者二人在

南少退俱西向設冊使主副受命位於大橫街南道

東俱北面西上奉禮設門外位皆如元日之儀其日

諸衛勒所部列黃麾大仗如常儀羣官等依時刻集
 朝堂俱就次各服朝服通事舍人各引就朝堂前位
 侍中量時刻版奏請中嚴鉞戟近仗各入陳於殿庭
 太樂令鼓吹令等帥工人入就位協律郎入就舉麾
 位典儀帥贊者先入就位諸侍衛之官各服其器服
 符寶郎奉寶俱詣閣奉迎通事舍人引羣官入就位
 又引冊使入立於太極門外道東西面黃門侍郎帥
 主節奉節立於左延明門內道北中書侍郎帥令史
 奉冊案及璽綬案立於節南俱西面
每案各令史二人絳公服對舉

仍覆以帕侍中版奏外辦皇帝服袞冕御輿以出曲直華

蓋警蹕侍衛如常儀皇帝將出仗動太樂令令撞黃

鐘之鐘右五鐘皆應協律郎跪俛伏舉麾凡樂皆協律郎舉麾

工鼓祝而後作偃麾戛敵而後止鼓祝奏太和之樂鼓吹振作皇帝

出自西房即御座南向坐符寶郎奉寶置於御座如

常樂止通事舍人引冊使主副入就位太尉初入門

舒和之樂作至位樂止立定典儀曰再拜贊者承傳

羣官在位者皆再拜侍中前承制降詣使者東北西

面稱有制冊使俱再拜侍中宣制曰冊某為皇太子

命公等持節展禮宣制訖又俱再拜侍中還侍位黃

門侍郎引主節立於使者東北西面主節以節授黃

門侍郎黃門侍郎執節西面授太尉太尉受付主節

主節立於使後黃門侍郎退中書侍郎引冊案及璽

綬案立於冊使東北西面中書侍郎取冊持案者退自使後立

於太尉之左西面授太尉太尉受冊置於案持案者退立

於使後中書侍郎又取璽綬以授太尉太尉受置於

案皆如受冊之儀中書侍郎退典儀曰再拜贊者承

傳羣官在位者皆再拜通事舍人引冊使出持節者

前導持案者次之太尉初行樂作出門樂止侍中前

跪奏稱侍中臣某言禮畢俛伏興還侍位皇帝興太

樂令令撞蕤賓之鐘左五鐘皆應鼓祝奏太和之樂

皇帝降座升輿侍衛警蹕如來儀入自東房樂止通事舍人引羣官在位者以次出

蕃客先出

皇太子受冊

前一日守宮設冊使次於重明門外道西副使次又於其西俱南向竝鋪牀席又設宮臣文武官次於東宮朝堂如常所司陳設皇太子羽儀車輿及樂懸等竝如元日受朝之儀掌筵設皇太子受冊位於內殿之庭階閒北向掌儀設宮官版位於殿庭文官五品以上於懸東六品以下於橫街之南皆西面北上武官五品以上於懸西六品以下於橫街之南當文官

皆東面北上奉禮設朝堂前位如常其日諸衛率各
 勒所部屯門列仗如式宮官於冊使未到之前量時
 刻赴集次改服朝服各就朝堂前位太尉司徒既受
 命出至朝堂乘輅備鹵簿鼓吹持節如式其冊璽綬
 各以油絡網犢車載而行至東宮朝堂降輅謁者引
 就次持節者前導持案者從之掌次者延入次初冊
 使將到通事舍人各引宮臣入就殿庭位左庶子版
 奏請中嚴宮臣入訖通事舍人引太尉司徒入立於
 左閣門外西面北上

持幡節及冊璽案者至
 閣門外竝以給使代之

左庶子

版奏外辦皇太子著雙童髻絳紗袍就受冊位

所司預奏

請左庶子一人引導相禮典直承引太尉以下入太尉立於階間

南向司徒立於太尉西南東向節在太尉東少南西
向冊璽案在司徒西南東向掌書二人立於皇太子
之左少前東向司徒就案取冊進東面授太尉持節
者脫節衣太尉稱有詔左庶子贊皇太子再拜皇太
子再拜太尉宣冊訖左庶子又贊皇太子再拜皇太
子又再拜左庶子進詣太尉前受冊退授皇太子皇
太子受以授掌書司徒又次取璽綬進東面授太尉
左庶子進太尉前退授皇太子皇太子受以授掌
書訖持節者加節衣左庶子贊引皇太子退典直各

引太尉以下出至閣外通事舍人承引以出其案及幡節等

並轉付令 史主節又通事舍人各引宮臣以次出太尉司徒

乘輅詣朝堂至降車所降輅入至太極殿庭大橫街

南御道東北面西上立中書令立於太尉東北西向

太尉等再拜復命曰奉詔冊皇太子禮畢又再拜中

書令奏聞太尉等退鹵簿幡節等各還本司

皇太子朝見

其日冊訖皇太子著雙童髻絳紗袍詣皇帝所御殿

如常內朝之式至閣司賓引入至殿前北面再拜司

賓引退詣皇后所御殿前北面再拜司賓引出還宮

如常

謁太廟

皇帝會羣臣

羣臣上禮

皇后受羣臣賀

皇后會外命婦

皇太子會羣臣

皇太子會宮臣

宮臣上禮

右竝如臨軒冊命之儀

大唐開元禮卷第一百八

嘉禮

臨軒冊命諸王大臣 朝堂冊命諸臣

冊內命婦二品以上

臨軒冊命諸王大臣

將冊命前一日尙舍奉御設御幄於太極殿北壁南向守宮設羣官次於朝堂太樂令展宮懸於殿庭又設舉麾位於上下竝如常儀其日典儀設羣官版位文官一品以下五品以上於懸東六品以下於大橫街之南俱西向武官一品以下五品以上於懸西六

品以下於大橫街之南俱東向皆以北爲上竝如常儀設受冊者位於大橫街之南道東重行北面西上設典儀位於懸之東北贊者二人在南少退俱西向奉禮設門外位文官於東朝堂西面武官於西朝堂東面俱每等異位重行北上其日依時刻諸衛勒所部屯門列仗及陳於殿庭如常儀受冊者服朝服發第備鹵簿與羣官俱集朝堂次羣官各服其服贊引引羣官俱出次典謁引就朝堂前位侍中版奏請中嚴鉞戟近仗入陳於殿庭太樂令帥工人入就位協律郎入就舉麾位諸侍衛之官各服其器服符寶郎

奉寶俱詣閣奉迎典儀帥贊者先入就位通事舍人
引羣官入就位又引受冊者入立於太極門外道東
西向中書侍郎以冊置於案令史二人俱絳公服對
舉案立於左延明門內道北西向侍郎立於案後侍
中版奏外辦皇帝服通天冠絳紗袍乘輿以出曲直
華蓋警蹕侍衛如常儀皇帝將出仗動太樂令令撞
黃鍾之鐘右五鐘皆應協律郎跪俛伏舉麾鼓祝奏
太和之樂凡樂皆協律郎舉麾工鼓祝而後作偃麾戛敵而後止皇帝出自西
房卽御座南向坐符寶卽奉寶置於御座如常儀樂
止通事舍人引受冊者以次入就位立定典儀曰再

拜贊者承傳羣官在位者皆再拜中書令降立於受冊者東北西向中書侍郎引冊案進立於中書令之南少退俱西向通事舍人引爲首者一人少前北向中書侍郎取冊進授退復位中書令稱有制受冊者再拜中書令讀冊訖受冊者又再拜通事舍人引受冊者進受冊訖典儀引退復位又通事舍人引次受冊者前受冊如上儀徧冊訖中書令以下還侍位持案者以案退典儀曰再拜贊者承傳羣官在位者皆再拜通事舍人引受冊者以次出侍中前跪奏稱侍中臣某言禮畢俛伏興還侍位皇帝興太樂令令撞

蕤賓之鐘左五鐘皆應鼓祝奏太和之樂皇帝降座
御輿入自東房侍衛警蹕如來儀侍臣從至閤樂止
通事舍人引羣官在位者以次出若冊三師三公親
王則皇帝服衮冕之服鼓吹令設十二案乘黃令陳
車輅尙輦奉御陳輿輦諸衛設黃麾半仗受冊者初
入門舒和之樂作至位樂止冊畢引出初行樂作出
門樂止餘同上儀

三師

三公

親王

日本

受

開府儀同三司

太子三師

驃騎大將軍

左右丞相

京兆牧

河南牧

右竝臨軒冊命

朝堂冊命諸臣

前一日守宮設受冊者次於東朝堂其日平明受冊者朝服升輅發第備鹵簿詣朝堂至降車所降輅謁者絳公服引就次奉禮設受冊者版位於東朝堂前近南北向又設舍人宣冊位於其北南向將冊又舍人引受冊者就版位立舍人公服預以冊書置於案令史二人絳公服對舉案又舍人引中書舍人持節者前導持案者次之出詣宣冊位立持節者立於舍人之東少南西向持案者立於舍人西南東向持

節者脫節衣持案者進舍人前舍人取冊持案者退
復位舍人稱有制受冊者再拜宣冊訖又再拜又舍
人引受冊者進舍人前北面受冊退復位持節者加
節衣典謁引舍人幡節前導而入謁者引受冊者退
受冊者升輅還第如來儀

太子少師

太子少傅

太子少保

特進

輔國大將軍

光祿大夫

鎮國大將軍

侍中

中書令

諸衛大將軍

六尚書

太子詹事

太常卿

都督及上州刺史在京者

右竝朝堂冊命

冊內命婦二品以上

前一日守宮設使者及冊案便次於肅章門外及永安門外道右皆東向司設設受冊者位於其寢庭近南當階閒北向其日典儀設冊使位於肅章門外之西東面北上舉冊案者位於南差退俱東向內謁者監預置案於肅章門外近限使者公服發朝堂乘輅備鹵簿鼓吹持節如式其冊以油絡網犢車載而行

至永安門外降輅謁者引入

其冊不置於案即隨使而入

掌次者

俱引入次受冊者花釵翟衣司言引就受冊位侍從如常謁者引冊使出就位持節者立於使者之北少退持冊案者立於使副西南俱東向持節者脫節衣持冊案者以案進使副前使副取冊於案持案者退復位使副以冊進授使者退復位內給事進使者前西面受冊進立於肅章門外跪置冊於案俛伏興退司言詣閣跪取冊興進立於受冊者之北南面稱有制受冊者再拜宣冊訖受冊者又再拜受冊者進受冊以退初冊入閣少頃謁者引使者出就永安門外

次更衣乘馬各還其第鹵簿幡節等俱還本司

大唐開元禮卷第一百八

大唐開元禮卷第一百九

嘉禮

遣使冊授官爵 朔日受朝

朝集使朝見

并辭

遣使冊授官爵

前一日受冊之家設使者次於大門外道右南向其
日使者至掌次者引就次以制書置於案使者以下
皆公服受冊者著朝服非朝服者皆公服出立於正
寢東階東南西向使者出次贊禮者引使者持節者
前導立於大門外之西持節者立於使者之北少退

令史二人對舉冊案立於使者之西南俱東向立定
贊禮者引受冊者迎於大門外之東西向又贊禮者
引使者持節者前導持冊案者次之入門而左使者
詣階閒南面立持節者立於使者之東少南西向持
案者立於使者西南東向贊禮者引受冊者入立於
使者之南北向立定持節者脫節衣持冊案者進使
者前使者取冊持案者退復位使者稱有制受冊者
再拜宣冊訖受冊者又再拜贊禮者引受冊者進使
者前北面受冊退立於東階東南西向持節者加節
衣贊禮者引使者持節者前導以出持案者從之俱

復門外位贊禮者引受冊者出門東西面拜送贊禮
引使者還於次又贊禮者引受冊者入

朔日受朝

其朔日讀時令
則不行此禮也

前一日尚舍奉御設御幄於太極殿北壁南向守宮
設羣官次於朝堂如常儀太樂令展宮懸於殿庭設
舉麾位於殿上西階之西東向一位於樂懸東南西
向竝如常儀其日典儀設文官三品以上位於橫街
之南道東設武官三品以上位於道西俱每等異位
重行北向相對爲首設文官四品五品位於懸東六
品以下於橫街之南每等異位重行西面北上武官

四品五品位於懸西六品以下於橫街之南當文官
每等異位重行東面北上設典儀位於懸之東北贊
者二人在南少退俱西向奉禮設門外位文官於東
朝堂每等異位重行西面武官於西朝堂每等異位
重行東面皆北上其日依時刻諸衛勅所部列仗屯
門及陳於殿庭如常儀羣官集朝堂俱就次各服公
服吏部兵部贊羣官俱出次通事舍人各引就朝堂
前位侍中版奏請中嚴鈸戟近仗入陳於殿庭太樂
令帥工人入就位協律郎入就舉麾位諸侍衛之官
各服其器服符寶郎奉寶俱詣閤奉迎典儀帥贊者

入就位通事舍人引四品以下先入就位侍中版奏外辦有司承旨索扇皇帝弁服絳紗衣御輿以出曲

直華蓋警蹕侍衛如常儀皇帝將出仗動太樂令令

撞黃鍾之鐘右五鐘皆應協律郎跪俛伏舉麾鼓祝

奏太和之樂皇帝出自西房即御座南向坐符寶郎

奉寶置於御座如常儀協律郎偃麾戛鼓樂止凡樂皆協

律郎舉麾工鼓祝而後通事舍人引三品以上次入

就位公初入門舒和之樂作凡公行皆作舒和之樂公至位樂

止立定典儀曰再拜贊者承傳羣官在位者俱再拜

訖典儀又曰再拜贊者承傳羣官在位者又再拜舍

人引羣官北面位者以次出公初行樂作公出門樂止侍中前跪奏稱侍中臣某言禮畢俛伏興還侍位有司承旨索扇皇帝興太樂令令撞蕤賓之鐘左五鐘皆應奏太和之樂皇帝降座御輿入自東房侍衛警蹕如來儀侍臣從至閣樂止舍人引東西面位者以次出皇帝若御翼善冠則羣臣皆服袴褶不設樂懸去警蹕

朝集使引見奉辭儀同

前一日尙舍奉御預奏於所御殿設御座如常儀其日依時刻所由量加隊仗陳列如式典儀於殿庭橫

街之南北面設版位如常儀其日朝集使夙興竝集
朝堂各服朝服京官文武九品以上竝服袴褶諸侍
奉官及京官文武官四品以下就位如式通事舍人
引京官文武三品以上及朝集使俱就所御殿門外
序立以俟侍中進奏外辨皇帝常服卽御座南向坐
侍衛如常儀通事舍人分引京官文武三品以上詣
橫街南相對北面位立定典儀曰再拜羣官在位者
皆再拜訖通事舍人各引就街北東西班序立又通
事舍人分引朝集使入就北面位
東方南方在東
西方北方在西立
定典儀曰再拜朝集使等俱再拜通事舍人承旨詣

朝集使東北面立稱有制朝集使等皆再拜舍人宣

勅訖又再拜

答制預定行首一人跪奏舍人為奏聽進止

若承恩慰問卽

舞蹈訖又再拜舍人宣令訖奏禮畢皇帝還宮如來儀侍臣退羣官等以次退其朝集使奉辭皆準奉參之儀其京官但常參官列版位其朝集使三品以上引升殿賜食四品以下於廊下賜食竝臨時奏聽進止

大唐開元禮卷第一百十

嘉禮

皇太子加元服

告太廟

臨軒命賓贊

冠

會賓贊

朝謁

皇太子謁太廟

會羣臣

羣臣上禮

皇太子會宮臣

宮臣上禮

告太廟

皇太子將冠先告太廟如常告之儀

臨軒命賓贊

所司預奏請司徒一人爲賓卿一人爲贊冠吏部承
以戒之 前一日尙舍奉御整飾御幄於太極殿衛
尉設羣官朝集使諸蕃客次於左右朝堂太樂令展
宮懸之樂於殿庭設舉麾位於殿上一位於懸下鼓
吹令設十二案乘黃令陳車輅尙輦奉御陳輿輦典
儀設文官一品以下五品以上位於橫街之北西面
北上諸州使人五品以上合班六品以下位於橫街
南諸州使人六品以下諸蕃客又在南皆西面北上
設武官五品以上位於橫街北東面北上諸州使人
五品以上合班諸親位於其南六品以下位於橫街

南諸州使人六品以下及蕃客等又在其南皆東面
北上設典儀位於懸之東北贊者二人在南少退俱
西向設賓受命位於橫街南道東北向贊者位又於
其後少東北向奉禮設門外位文官一品以下位於
順天門外道東每等異位重行西向武官三品以下
位於門西每等異位重行東向竝以北爲上其日諸
衛勒所部列黃麾仗如常儀羣官依時刻集朝堂俱
就次各服其服侍中量時版奏請中嚴協律郎太樂
令帥工人入就位諸侍衛之官各服其器服奉迎典
儀帥贊者先入就位通事舍人引先置羣官入立定

又引賓贊入立於太極門外道東西向黃門侍郎引

主節持幡節中書侍郎引制書案立於樂懸東南西

面北上侍中版奏外辦皇帝服通天冠絳紗袍以出

曲直華蓋警蹕侍衛如常儀皇帝將出仗動太樂令

令撞黃鍾之鐘左五鐘皆應協律郎舉麾凡樂皆協律郎舉麾

工鼓祝而後作偃麾夏敵而後止鼓祝奏太和之樂皇帝乘輿出自

西房即御座南向坐符寶郎奉寶置於御座樂止通

事舍人引賓贊入就位賓贊初行入門舒和之樂作

至位樂止立定典儀曰再拜侍中及舍人前承制侍

中降至賓前稱有制公再拜將加冠於某之首公其

將事公少進北面再拜稽首辭曰臣不敏恐不能供
事敢辭侍中升奏又承制降稱旨曰某公其將事無
辭公再拜退復位侍中退舍人至卿前稱勅旨卿再
拜將加冠於某之首卿宜贊冠卿再拜舍人退黃門
侍郎引主節至賓所主節以節授黃門侍郎黃門侍
郎執節立於賓東北西面賓再拜受節付主節訖又
再拜主節立於賓後黃門侍郎退中書侍郎引制書
案至賓所取制書在賓東北西面立賓再拜受制書
執立又再拜持案人立於賓後中書侍郎退典儀曰
再拜贊者承傳羣官在位者皆再拜舍人引賓贊出

賓贊初行樂作出門樂止侍中前跪奏稱侍中臣某
言禮畢俛伏興還侍位皇帝興太樂令令撞蕤賓之
鐘左五鐘皆應鼓祝奏太和之樂皇帝降座侍衛警
蹕如來儀入自東房樂止舍人引一品以下依次出
初賓贊出門賓以制書置於案幡節引制書案升車
從輅而行威儀饒吹詣東宮降輅入次賓贊具服其
一品以下依次出蕃客各還館九品以上詣東宮朝
堂次服其服就位如冠儀

冠

前一日衛尉設賓次於重明門外道西南向贊冠次

又於其西南向竝鋪牀席又於重明門內道西設一
次擬會賓贊設文武羣官九品以上及諸親并宮臣
次如常儀奉禮設文武羣官九品以上諸親在五品
之下及宮臣門外位如常儀典儀設殿庭位文武羣
官共宮臣合班諸親在五品下文官在東西向武官
在西東向皆以北爲上又設皇太子位於閣外道東
西向設三師位於閣外道西三少位於三師之南少
退俱東向典儀又設皇太子受制位於樂懸北北向
所由設軒懸之樂於殿庭又設舉麾位於殿上一位
於懸下有司設皇太子羽儀車輿於殿庭如常式典

設帥其屬鋪解劍席於懸之東北 冠日平明宮臣

皆朝服非朝服者公服三師三少公服竝集於重明

門外次宗正卿公服乘犢車侍從詣左春坊權停左

右二率各勒所部屯門列仗左庶子版奏請中嚴工

人及諸行事之官各入就位奉禮設罍洗於東階東

南罍在洗東篚在洗西南肆篚實巾加勺幕典禮鋪皇太子

冠席於殿上東壁下少近南西向設賓席於西陛上

東向設主人席於皇太子席西南西向設三師席於

冠席北三少席於冠席南典設張帷幄於東序內設

褥席於帷幄中又張帷於序外擬置饌物等內直陳

服於帷內東領北上衮冕服玄衣纁裳九章白紗中

單黼領青標襪裙革帶金鈎鯨大帶朱黻二章玉貝

劍火珠鏢首瑜玉雙佩朱組雙大綬四彩赤白纁紺

純朱質長一丈八尺三百二十首廣九寸小雙綬長二尺六寸

色同大綬而首半之間施二玉環白襪赤舄金飾象笏遠遊冠服絳

紗袍白紗中單阜領標襪裙白方心曲領假帶絳紗

蔽膝白練裙襦白襪黑舄其革帶劍佩綬笏與冕服

同緇布冠服玄衣素裳素鞞白紗中單青領標襪裙

履襪革帶大帶笏纒纒阜羅中方六寸屬帶於前兩隅犀簪二物

同箱在服南櫛實於箱又在南莞筵四紛純藻席四

纘純又在南良醢令實側尊甌醴加勺冪於序外帷
內設罍洗於尊東罍在洗北筐在洗南東肆實巾一
角觶角柶各一加冪太官令實饌豆九邊於尊西俎
三在豆北執在庭罍洗者絳公服立於罍洗之西北
向執帷內尊罍洗邊豆俎等竝絳公服立於尊罍邊
豆之所冕白珠九旒犀導組纓青纘充耳遠遊三梁
冠金附蟬九首施珠翠黑介幘犀導髮纓翠綉緇布
冠青組纓屬於冠冠冕各一箱盛奉禮三人各執立
於西階之西東面北上主人贊冠者庶子為之升詣東序
帷內少北戶東西面立典謁引羣官以次入就位初

賓贊入次左庶子版奏外辦通事舍人引三師等入

就閣外道西位東面立皇太子著空頂黑介幘雙童

髻玉導寶飾彩衣紫褶綠袴襪領
綠錦紳烏皮履乘輿以出洗馬迎

於閣外左庶子跪奏稱左庶子臣某言請殿下降輿

俛伏興還侍位皇太子降輿洗馬引之道東位西向

立左庶子又前跪奏稱左庶子臣某言請殿下再拜

皇太子再拜三師三少答再拜洗馬引就階東南位

三師訓導在前三少訓從於後千牛仗夾二人左右

其餘仗衛列於師保之外通事舍人引宗正卿入見

皇太子訖通事舍人引出迎賓洗馬引皇太子初行

樂作至階東西面立偃麾樂止

凡樂皆令官師舉麾工鼓祝而後作偃麾

夏敬而後止

宗正卿迎賓於門東西向賓立於門西東向

宗正卿再拜賓不答拜賓入門樂作主人從入立於

樂懸東北西向賓入贊冠者從入舍人引賓贊詣殿

階間南向立樂止贊冠者立於賓西南東向節在賓

東少南西向制案在贊冠西南東向賓就案取制執

洗馬引皇太子詣受制位北面立皇太子初行樂作

至位樂止主節脫節衣賓稱有制皇太子再拜宣詔

曰制皇太子某吉日元服率由舊章命太尉某就宮

殿展禮訖皇太子又再拜少傅進詣賓前受制書退

授皇太子皇太子受制書付左庶子案退洗馬引皇太子師保等如式升東階量人從升初行樂作至階樂止入東序帷內近北西向立師保等就席位訖賓升西階宗正卿升東階各立席後初賓升舍人引贊冠者詣盥洗盥手升自東階詣序帷內於主人贊冠之南俱西向贊冠者引皇太子出立於席東西面賓之贊冠者取纒櫛二箱坐奠於皇太子筵南端興席北少東西面立賓揖皇太子進升筵西向坐賓之贊冠者進筵前東向坐脫空頂黑介幘置於箱櫛畢設纒與少北南面立賓降盥主人從降樂作賓升樂止

主人從升執緇布冠者升賓降一等受之右執項左
執前進皇太子筵前東面立祝曰令月吉日始加元
服棄厥幼志慎其成德壽考惟祺以介景福乃跪冠
興復位東面立賓之贊翫進筵前東面跪結纓興復
位皇太子興賓揖皇太子贊冠者引皇太子適東序
帷內著玄衣素裳之服以出立於席東西面賓揖皇
太子皇太子進升筵西向坐賓之贊冠者進筵前東
面跪脫緇布冠置於黑介幘之箱櫛纒依舊不解興
復位賓降二等受遠遊冠右執項左執前進皇太子
筵前東面立祝曰吉月令辰乃申嘉服克敬威儀式

昭厥德眉壽萬年永膺祺福乃跪冠興復位賓之贊
冠者跪設簪結纓興復位皇太子興賓揖皇太子贊
冠者引皇太子適東序帷內著朝服以出立於席東
西面賓揖皇太子皇太子進升筵西向坐賓之贊冠
者進筵前東面跪脫遠遊冠置於纒箱櫛纒依舊不
解興復位賓降三等受冕右執項左執前進皇太子
筵前東面立祝曰以歲之正以月之令咸加其服以
成厥德萬壽無疆承天之慶乃跪冠賓興復位賓之
贊冠者跪設簪結纓興復位皇太子興賓揖皇太子
贊冠者引皇太子適東序著衮冕之服以出立於席

東西面贊冠者徹纒櫛二箱入於帷內又取筵入於帷內主人贊冠者又設醴皇太子席於室戶西南向下莞上藻賓之贊冠者於東序帷內盥手洗觶典膳酌醴加枳覆之面枋授賓之贊冠者受面菜立於序內南面立賓揖皇太子贊冠者引皇太子就筵西南面立賓進受醴加枳面枋進皇太子筵前北面立祝曰甘醴惟厚嘉薦令芳拜受祭之以定厥祥承天之休壽考不忘皇太子筵西拜受觶賓復位東面答拜贊冠者與進饌者承饌設於皇太子筵前皇太子升筵坐左執觶右取脯擣於醢祭於籩豆之間贊冠者

取韭菹徧擣於豆以授皇太子又祭於籩豆之間贊冠者取肺一以授皇太子皇太子奠觶於薦西興受肺卻左手執本坐繚右手絕末以祭上左手齧之興以授贊冠者贊冠者加於俎皇太子坐悅手取觶以柶祭醴三始扱一祭又扱再祭加柶於觶面菜興筵末坐啐醴建柶興降筵西南南向坐奠觶再拜執觶興賓答拜皇太子升筵坐奠觶於薦東興降筵贊冠者引皇太子降自西階立於西階之東南面賓初答拜訖降立於西階之西近南東面引賓之贊翫隨降立於賓西南東面皇太子立定賓少進字之曰禮儀

既備令月吉日昭告厥字君子攸宜錫之于嘏永受
保之奉勅字某皇太子再拜曰某雖不敏敢不祇奉
又再拜洗馬引皇太子降初行樂作至阼階下位樂
止三師在南北面三少在北南面立定皇太子西面
再拜三師等答再拜以出於三師拜訖典儀曰再拜
贊者承傳羣官在位者皆再拜左庶子前稱禮畢皇
太子乘輿以入侍臣從至閤如常儀初皇太子降通
事舍人引賓贊及宗正卿出就會所

會賓贊

賓既出立於會所門外之西東面北上宗正卿立於

門東西面立定一揖一讓而入宗正卿立於座東西
面賓贊立於座西東面俱再拜就位俛伏坐遂行酒
酒至賓主俱興再拜就席坐飲食至賓主俱興設食
訖賓主俱坐食會訖賓主俱興賓贊立於西廂東面
南上宗正卿立於東廂西面執犂奉束帛之筐以授
宗正卿又執事者奉束帛筐立於宗正卿之後牽馬
者牽乘馬入陳於庭北首西上賓贊俱迴北面西上
再拜宗正卿以幣筐進西南面授賓執事者以幣進
授贊冠者宗正卿與執事者退復位賓贊降從者訝
受幣賓當庭實揖左馬以出三馬從出從者訝受馬

宗正卿出門東西面賓出門西東面北上宗正卿與賓贊俱揖而退賓贊就車輅詣順天門外復命

朝謁

朝前衛尉先於順天門外東朝堂之北設太子次又於後設三師三少及詹事等次皇太子冠訖諸衛率依常行鹵簿陳列威儀仗衛前後部鼓吹備列師傅以下及宮官皆服常服皇太子服遠遊冠絳紗袍乘輿以出儀衛侍從如常禮洗馬前導皇太子出重明門左庶子跪奏請降輿升輅又右庶子稱令曰諸左庶子俛伏興皇太子降輿升金輅三師乘輅車訓導

在前三少亦乘輅車訓從在後威儀仗衛依鹵簿發引鳴鑣而行至長樂門鑣吹止皇太子至順天門外次迴輅西向左庶子跪奏請降輅就次又右庶子稱令曰諾左庶子俛伏興皇太子降輅洗馬前導入次左庶子侍左右庶子侍右舍人引三師三少詹事就次皇太子停大次少頃舍人奏聞典儀先於皇帝所御殿前北向設皇太子位左庶子跪奏請入又右庶子稱令曰諾又左庶子俛伏興皇太子出次左庶子等夾侍舍人引洗馬導引當門揖引入外官不入諸儀衛鹵簿等悉陳列於門外皇太子入自東上閣洗

馬左庶子等從入至皇帝所御殿前位北面立從官
陪後左庶子贊拜皇太子再拜侍中宣勅戒曰事親
以孝接下以仁使人以義養人以惠訖皇太子再拜
少進稱臣雖不敏敢不祇奉皇太子又再拜訖引下
詣皇后所御殿至殿院內給事奏聞出引皇太子入
洗馬左庶子等不入太子至皇后所御殿前北面立
再拜尚儀前承令降詣皇太子西北東面稱令旨皇
太子再拜宣令戒曰事親以孝接下以仁使人以義
養人以惠訖皇太子再拜少進稱臣夙夜祇奉不敢
久墜皇太子又再拜司言引至閣舍人承引以出皇

太子還如來儀

皇太子謁太廟

前一日皇太子宿齋於正殿其宮臣從入廟者宿齋於家正寢所司埽除廟之內外衛尉設皇太子次於廟西南角東向又設三師以下及宮官次於皇太子次之後少近西俱東向又設宮官次於東宮朝堂奉禮設皇太子版位於廟庭道東北向典儀設宮臣位於重明門外文官在東西面武官在西東面每等異位重行俱以北爲上其日未明所司依鹵簿陳設於重明門外宮臣應從者依時刻集朝堂次服朝服非

朝服者常服諸衛率各勒所部陳設如式左庶子版
奏請中嚴僕進金輅於西閣外南向車右執刀立於
輅前北向舍人引宮臣各就位侍衛之官各服其器
服右庶子負寶如式俱詣閣奉迎左庶子版奏外辦
僕奮衣而升正立執轡皇太子服遠遊冠絳紗袍以
出左右侍衛如常儀洗馬引皇太子升僕立授綬命
車右升訖車驅左庶子以下夾侍如式出重明門左
庶子進當輅前跪奏稱左庶子臣某言請車輅權停
令侍臣上馬俛伏興退稱侍臣上馬贊者唱侍臣上
馬文武侍臣皆上馬宮臣上馬畢左庶子進當輅前

跪奏稱左庶子臣某言請發引俛伏興退復位皇太子車輅動鑾吹不作文官在左武官在右至下馬所侍臣竝下車馬皇太子至次所迴輅南向左庶子跪奏稱左庶子臣某言請殿下降輅俛伏興還侍位皇太子降輅洗馬引入次侍臣立如常皇太子入次一刻頃左庶子跪奏稱左庶子臣某言請殿下出次俛伏興皇太子出次謁者引家令家令引皇太子入自南門三師三少導從如式庶子二人一人贊左一人贊右舍人二人從近仗量人從入皇太子至位立定家令奏請殿下再拜皇太子再拜少頃家令奏皇太

大唐開元禮卷第一百一
子再拜辭皇太子又再拜訖家令奏事畢謁者引家
令家令引皇太子出自南門升輅還宮如來儀至重
明門外皇太子乘輅入將士停三師三少還皇太子
至殿前迴輅左庶子跪奏請殿下降輅俛伏興皇太
子降入侍臣從至閣左庶子奏請將士各還本位其
還宮鳴鐃吹如常

會羣臣

皇太子冠見廟之明日皇帝會羣臣如元會之儀其
上壽辭云皇太子爰以吉辰載加元服德成禮備普
天同慶臣等不勝悅豫謹上千萬歲壽

羣臣上禮

先上禮三日本司宣令諸應上禮文武之官一品以下五品以上前一日衛尉量設次於東朝堂晝漏上水七刻各集於次皆服朝服奉禮先設上禮之官位於東朝堂之南文東武西北面重行相對爲首又設中書舍人位於文官爲首者之北南向設奉禮位於文官東北贊者二人在南差退俱西向牛酒在文武二位之間少前舍人各引應上禮之官就位立定令史二人對舉賀錄案禮部郎中引就中書舍人前取賀錄授舍人訖引案退奉禮唱再拜贊者承傳在位

者皆再拜中書舍人奉賀錄入進舍人引在位者退
酒十二斛犢十二頭赤繩爲籠頭奏訖并付所司

皇太子會宮臣

皇太子會宮臣如常會之儀上壽辭云具官臣某等
言伏惟殿下爰以吉辰載加元服禮備德成臣等不
勝悅豫謹上千萬歲壽

宮臣上禮

先上禮一日詹事宣告上禮之官詹事以下七品以
上晝漏上水七刻皆朝服集東宮南門外之左典儀
先設羣官位於中門外北面以西爲上牛酒置其位

西五步少近前晝漏上水八刻通事舍人引羣官皆就位立定詹事承奉羣官簡錄案於詹事前東面跪授導客舍人導客舍人西面立受迴南面立典儀唱再拜詹事以下俛伏興皆再拜導客舍人以簡錄案入通事舍人引羣官以下左庶子省進酒九斛盛以銅鍾一斛犢九頭赤繩爲籠頭皆付所司

大唐開元禮卷第一百十

大唐開元禮卷第一百十一

嘉禮

皇太子納妃

臨軒命使

納采

問名

納吉

納徵

告期

告廟

冊妃

臨軒醮戒

親迎

同牢

妃朝見

會羣臣

臨軒命使

將行納采制命使者吏部承以戒之前一日尚舍

奉御設御幄於太極殿北壁下南向衛尉設羣官次於東西朝堂太樂令展宮懸於殿庭下竝如常儀其日典儀設文官一品以下五品以上位於橫街之北西面北上朝集使五品以上合班六品以下位於橫街南朝集使六品以下合班蕃客又在其南皆西面北上設武官五品以上位於橫街北東面北上朝集使五品以上合班諸親位於其南六品以下位於橫街南朝集使六品以下蕃客等又在其南皆東面北上設典儀位於懸之東北贊者二人在南少退俱西向設舉麾位於殿上西階之西東向設使者受命位

於橫街南道東北面西上奉禮設門外位文官一品
以下五品以上位於順天門外道東每等異位俱重
行西面武官三品以上位於門西每等異位俱重行
東向以北爲上 未明二刻諸衛勒所部屯門布黃
麾半仗立仗入陳於殿庭如常儀羣官依時刻集朝
堂俱就次各服朝服侍中量時刻版奏請中嚴鈸戟
近仗就陳於閣外太樂令以下帥工人入就位諸侍
衛之官各服其器服侍中中書令以下諸侍臣俱詣
閣奉迎典儀帥贊者先入就位吏部兵部各贊羣官
出次典謁各引就門外位侍中版奏外辦皇帝服袞

冕乘輿以出曲直華蓋侍衛警蹕如常儀皇帝將出
仗動皇帝出自西房卽御座南向坐符寶郎奉寶置
於御座如常儀通事舍人引羣官以次入就位立定
典儀曰再拜贊者承傳羣官在位者皆再拜吏部與
禮部侍郎贊使主副出典謁引就受命位侍中前承
制降詣使者西北東面稱有制使主副俱再拜侍中
宣制訖使主副又再拜侍中還侍位典謁引使者主
副出初使者將出典儀曰再拜贊者承傳羣官在位
者皆再拜通事舍人引羣官出侍中前跪奏稱侍中
臣某言禮畢俛伏興還侍位皇帝降座入自東房侍

衛警蹕如來儀侍臣從至閣使主副乘輿備儀仗而行從者乘車以從

納采

前一日主人設使者次於大門之外道右西向其

日大昕使者公服至妃氏大門外掌次者延入次凡

主及行事者皆公服主人受其禮於廟無廟者受於正寢掌事者布神

席於室戶外之西莞筵紛純加藻席畫純南向右彫

几使者出次謁者引立於大門外之西東面北上主

人立於大門內西面賓者立於主人之左北面受命

出立於門東西面曰敢請事使者曰奉制作儷儲宮

允歸令德率由舊章使某納采儻者入告主人曰臣某之子弗教若如人旣蒙制訪某不敢辭儻者出告掌畜者以鴈授使副進授使者退復位使者左手執之儻者引主人迎於大門外之南北面再拜使者不答拜謁者引使者入門而左主人入門而右使者升自西階立於楹閒俱南面西上主人升自東階進使者前北面使者曰某奉制納采主人降詣階閒北面再拜稽首升進北面受鴈退立於東階上西面使者降自西階以出

問名

使者既出遂立於內門外之西東向初使者降左右受鴈於序端主人降立於內門內東廂西向僮者進受命出請事使者曰某將加卜筮奉制問名僮者入告主人曰制以某之子備數於儲宮臣某不敢辭僮者出告掌畜者以鴈授使副使副進授使者退復位使者左手執之僮者引主人迎於內門外之南北面再拜使者不答拜謁者引使者入門而左主人入門而右使者升自西階立於楹閒俱南面西上主人升自東階進使者前北面使者曰某奉制問名將加諸卜筮主人降詣階閒北面再拜稽首升進北面受鴈

少退仍北面曰臣某第幾女某氏出使者降自西階
 出立於內門外之西東向初使者降主人退立於阼
 階東左右受鴈於序端主人降立於內門東廂西向
 儻者進受命出請事使者曰禮畢儻者入告主人曰
 某公為事故至於某之室某有先人之禮請禮從者
 儻者出告使者曰某既得將事敢辭儻者入告主人
 曰先人之禮敢固以請儻者出告使者曰某辭不得
 命敢不從儻者入告遂引主人升立於序端掌事者
 徹几改設二筵東上各用莞筵紛純設甒醴於東房
 西牖下加勺設冪筐在尊南實解二角柶二各一遵

一豆實以脯醢在筐南又設洗於東階東南如常施
設訖僮者引主人降迎使者於內門外之東西面揖
使者先入使者入門而左主人入門而右三揖使者
皆不報至階主人曰請某位升使者曰某敢辭主人
又曰固請某位升使者揖主人使者升自西階北面
東上主人升自東階北面再拜使者西階上北面答
拜主人受几於序端掌事者內拂几三奉兩端西北
向以進主人東南向外拂几三振袂內執之掌事者
一人又執几以從主人進西北向使者序進迎受於
筵前東南向以俟主人還東階上北面拜送西面立

使者以几避進北面坐各設於座右退於西階上北面東上答拜旋立於階西東面南上贊者二人俱升取觶降盥手洗觶升實醴加柶於觶覆之面菜出房南面主人受醴面枋進使者筵前西北面立又贊者執觶以從使者西階上北面各一拜序進筵前東南面主人以次授醴使者受俱復西階上位主人退復東階上北面一拜送掌事者以次進脯醢於筵前使者各進升筵皆坐左執觶右取脯搗於醢祭於籩豆之間各以柶祭醴三始扱一祭又扱再祭興各以柶兼諸觶上擗降筵於西階上北面坐啐醴建柶各奠

觶遂拜執觶興主人答拜使者進升筵坐各奠觶於薦東降筵序立於西階上東面南上掌事者牽乘馬入陳於門內三分庭一在南北首西上掌事者奉幣篚升自東階以授主人主人受於序端進西面立掌事者一人又奉幣篚立於主人之後使者西階上俱北面再拜主人進詣楹閒南面立使者序進立於主人之西俱南面主人以幣篚授使者使者受退立於西階上東面執幣者又以幣篚授主人主人受以授使副使副受之退立於使者之北俱東面主人還東階上北面拜送使者降自西階從者訝受幣使者當

庭實揖馬以出牽馬者從出使者出大門外之西東面立從者訝受馬主人出門東西向再拜送使者退主人入立於東階下西面儻者告於主人曰賓不顧矣主人反於寢

納吉

前一日主人設使者次如常 其日大昕使者至妃氏大門外掌次者延入次掌事者設几筵如常使者出次謁者引立於大門外之西東向主人立於大門內西向儻者進受命出請事使者曰加諸卜筮占曰協從制使某也納吉儻者入告主人曰臣某之子弗

教惟恐不堪龜筮曰吉臣預在焉臣某謹奉典制僉
者出告掌畜者以鴈授使副使副進授使者退復位
使者左手執之僉者引主人迎於門外之南北面再
拜使者不答拜謁者引使者入門而左主人入門而
右使者升自西階立於楹閒南面西上主人升自東
階進使者前北面使者曰某奉制納吉主人降階北
面再拜稽首升進北面受鴈使者降自西階立於大
門外之西東向初使者降主人還阼階東左右受鴈
於序端主人降立於內門內西面僉者進受命出請
事使者曰禮畢其僉使者如問名之儀

納徵

前一日主人設使者次如常。其日大昕使者至妃氏大門外，掌次者延入次。執事者設布幕於內門之外，玄纁束帛陳於幕上，乘馬陳於幕南北首，西上執事者奉穀圭以饋，俟於幕東西面。主人掌事者設几筵如常。使者出次謁者，引立於大門外之西，東向。主人立於大門內，西向。儻者進受命，出請事。使者曰：「制使某以玉帛乘馬納徵，儻者入告。主人曰：「奉制賜臣以重禮，臣某祇奉典制。儻者出告。又儻者引主人迎於大門外之南北面，再拜。使者不答拜。謁者引使者。」

入門而左主人入門而右至於內門外使者立於門
西東面北上主人立於門東西面執事者坐啟櫃取
圭加於玄纁上興以授使副使副進授使者退復位
使者受玉帛謁者引使者入門而左主人入門而右
牽乘馬者從入三分庭一在南北首西上使者升自
西階立於楹閒俱南面西上主人升自東階進使者
前北面使者曰某奉制納徵主人降詣階閒北面再
拜稽首升進北面受玉帛使者降自西階出立於內
門外之西東向初使者降主人還阼階東左右受玉
帛於序端主人降立於內門內西向於主人受玉帛

大唐開元禮 卷第一百十一
受馬者自左受之以東牽馬者既授馬自前西面出
僮者進受命出請事使者曰禮畢其僮使者如納吉
之儀

告期

前一日主人設使者次如常 其日大昕使者至妃
氏大門外掌次者延入次掌事者設几筵如常使者
出次謁者引立於大門外之西東向主人立於門內
西向僮者進受命出請事使者曰詢於龜筮某月某
日吉制使某告期僮者入告主人曰臣某謹奉制僮
者出告掌畜者以鴈授使副使副進授使者退復位

使者左手執之僮者引主人迎於門外之南北面再拜使者不答拜謁者引使者入門而左主人入門而右使者升自西階立於楹閒俱南面西上主人升自東階進使者前北面使者曰某奉制告期主人降詣階閒北面再拜稽首升進北面受鴈使者降自西階出立於內門外之西東向初使者降主人還阼階東左右受鴈於序端主人降立於內門內西面僮者進受命出請事使者曰禮畢其僮使者如納徵之儀

告廟

有司以特牲告如常禮

文臨時撰

冊妃

前一日主人設使者次如常設宮人次於使者西南俱東向障以行帷其日奉禮設使者位於大門外之西東向使副及內侍位於使者之南舉冊案及璽綬命服者在南差退俱東向設主人位於門南北向設使者以下及主人位於內門外儀皆如之設典內位於內門外主人之南西面典內之屬設宮人位於門外於使者之後俱重行東向以北爲上障以行帷設贊者二人位於東階東南西向典內預設一案於閣外近限使者主副朝服乘輅持節備儀仗鼓吹備而

不作至妃氏大門外使者降輅掌次者延入次宮人等各之次掌嚴奉褕翟衣及首飾內殿尉進厭翟於大門之外道西東向以北爲上諸衛率其屬布妃儀仗如常使者出次典謁引使者以下持節者前導及宮人典內各就位持節者立於使者之北少退俱東向主人朝服出迎於大門外之東西面立定少頃北面再拜使者不答拜典謁引使者持節者前導入門而左持案以下從之主人入門而右至內門外各就位立定奉冊寶案者進當使副前使副受冊寶奉案者退復位使副以冊寶進授使者退復位內侍進使

者前西面受冊寶東面授典內退復位典內持冊寶入立於閣外之西東面跪置冊寶於案典內俛伏興奉衣服及侍衛者從入皆立於典內之南俱東面北上傅姆贊妃出引立於庭中北面掌書進跪取冊寶興進立於妃前南面掌嚴奉首飾及褕翟與諸宮官侍衛者以次入侍衛如常典內還復位司則前贊妃再拜還侍位妃再拜司則進掌書前北面受冊寶進妃前南面授妃妃受以授司閨司則又前贊妃再拜還侍位妃又再拜訖司則前請妃升座還侍位司閨引妃升座南向坐宮官以下俱降立於庭重行北向

以西爲上立定贊唱者曰再拜宮官以下皆再拜訖
諸應侍衛者各升立於侍位司則前啟禮畢妃降座
司閨引妃入於室主人嬪使者如禮賓之儀使者乘
輅而還

臨軒醮戒

前三日本司宣攝內外各供其職 前一日衛尉設
次於東朝堂之北西向又設宮官次於重明門外如
常儀 其日前三刻宮官俱集於次各之次皆服其
服諸衛各勒所部依圖陳設左庶子奏請中嚴僕進
金輅於西閣外南向內率一人執刀立於輅前北向

前二刻諸衛之官各服其器服以次詣閣奉迎

左庶子負

璽如式

宮官應從者各出次立於門外文東武西重行

相向北上左庶子奏外辦僕奮衣而升執轡皇太子

著袞冕之服以出左右侍衛如常儀皇太子乃升僕

立授綬車驅左庶子以下夾侍如常出門車權停令

車右升輅陪乘宮臣上馬畢皇太子車動鼓吹振作

如式文武官皆乘馬以從如常至承天門下車所迴

輅南向左庶子進當輅前跪奏稱左庶子臣某言請

降輅俯伏興還侍位皇太子降輅典謁引舍人舍人

引皇太子就次侍衛如常儀 前一日尚舍奉御整

設御座於太極殿阼階上西向衛尉設羣官次於朝

堂太樂令展宮懸於殿庭乘黃令陳車輅竝如常儀

其日尙舍直長鋪皇太子席位於戶牖閒南向

其席莞筵

紛純加藻席纘純尙食奉御設酒尊於東序下有坫加勺設

罍實爵一又陳籩脯一豆醢一在尊西脯前三刻典

儀設羣官版位於內奉禮設版位於外如朝禮諸衛

勒所部屯門布仗立仗入陳於殿庭羣官依時刻集

朝堂俱就次各服其服侍中版奏請中嚴鉞戟近仗

就陳於閣外太樂令帥工人入就位脯前一刻諸侍

衛之官各服其器服侍中中書令以下俱詣閣奉迎

禮記卷之二十一 卷第一 百十一 世

典儀帥贊者先入就位吏部兵部贊羣官俱出次通
事舍人各引就門外位侍中版奏外辨皇帝服通天
冠絳紗袍乘輿以出曲直華蓋警蹕侍衛如常儀皇
帝將出仗動皇帝出自西房卽御座西向坐符寶郎
奉寶置於御座如常儀通事舍人引羣官以次入就
位羣官立定典儀曰再拜贊者承傳羣官在位者皆
再拜初羣官入訖典謁引舍人舍人引皇太子入侍
如常式皇太子每行至懸南北面立典儀曰再拜贊
事左庶子執儀贊相者承傳皇太子再拜典儀引舍人舍人引皇太子詣
西階皇太子脫舄舍人引升就席西南面立尙食奉

御酌酒於序進詣皇太子西南東面立皇太子再拜
受爵尙食直長又薦脯醢於席前皇太子升席坐左
執爵右取脯擣於醢祭於籩豆之間右祭酒興降席
西南面坐啐酒奠爵再拜執爵興奉御受虛爵直長
徹薦還於房舍人引皇太子進當御座前東面立皇
帝命之曰往迎爾相承我宗事勗帥以敬皇太子曰
臣謹奉制旨遂再拜舍人引皇太子降自西階納舄
訖典謁引舍人舍人引皇太子出門典儀曰再拜贊
者承傳羣官在位者皆再拜通事舍人引羣官以次
出侍中前跪奏稱侍中臣某言禮畢俛伏興還侍位

六 皇 帝 降 座 入 自 東 房 警 蹕 侍 衛 如 來 儀 侍 臣 從 至 閤
親 迎

前 一 日 衛 尉 設 皇 太 子 次 於 妃 氏 大 門 之 外 道 西 南
向 設 侍 衛 羣 官 次 於 皇 太 子 次 西 南 東 面 北 上 皇 太
子 既 受 命 遂 適 妃 第 執 燭 前 馬 鼓 吹 振 作 如 式 侍 從
如 常 皇 太 子 車 至 妃 氏 大 門 外 次 前 迴 輅 南 向 左 庶
子 進 當 輅 前 跪 奏 稱 左 庶 子 臣 某 言 請 降 輅 俛 伏 興
還 侍 位 皇 太 子 降 輅 之 次 車 將 至 主 人 設 几 筵 如 常
醴 女 如 別 儀 妃 服 褕 翟 花 釵 立 於 東 房 侍 從 如 常 主
婦 衣 禮 衣 鈿 釵 出 立 於 房 戶 外 之 西 南 向 主 人 公 服

出立於大門之內西向

在廟則主人以下著祭服

賓者公服立於

主人之左北面左庶子前跪奏稱左庶子臣某言請就位俛伏興還侍位皇太子出次立於門西東向侍衛如常儀賓者進受命出門東西面曰敢請事左庶子承傳進跪奏如常皇太子曰以茲初昏某奉制承命左庶子俛伏興傳於賓者入告主人曰某謹敬具以須賓者出傳於左庶子左庶子進奏如初賓者入引主人迎於門外之東西向再拜左庶子前跪奏稱左庶子臣某言請答拜俛伏興還侍位皇太子答再拜主人揖皇太子先入掌畜者以鴈授左庶子左庶

子進東南向奉授皇太子既執鴈進入侍衛者量入侍從及內門主人讓曰請皇太子入皇太子曰某勿敢先主人又曰固請皇太子入皇太子又曰某固勿敢先主人揖入皇太子從入皇太子入門而左主人入門而右及內門主人揖入及內霤將曲揖當階揖皇太子皆報揖至於階主人曰請皇太子升皇太子曰某敢辭主人曰固請皇太子升皇太子又曰某敢固辭主人又曰終請皇太子升皇太子又曰某敢終辭主人揖皇太子報揖主人升立於阼階上西面皇太子升進當房戶前北面跪奠鴈俛伏興再拜降出

主人不降送內殿尉進厭翟於內門外傅姆導妃司
則前引出於母左傅姆在右保姆在左執燭及侍父
從如式

少進西面戒之必有正焉若衣若花命之曰戒之敬
之夙夜無違命母戒之西階上施衿結帨命之曰勉
之敬之夙夜無違庶母及門內施鞶申之以父母之
命命之曰敬恭聽宗爾父母之言夙夜無愆視諸衿
鞶妃既出內門至輅後皇太子授綏姆辭不受曰未
教不足與爲禮妃升輅乘以几姆加幪皇太子乃馭
輪三周馭者代之皇太子出大門乘輅還宮侍衛如
來儀妃儀仗次於後主人使其屬送妃以次旅從

同牢

其日司閨設妃次於東閣外道東南向掌筵鋪褥席將夕司閨設皇太子幄於殿室內西廂東向鋪地席

重裊施屏幃設同牢之席於室內皇太子之席西廂

東向妃東廂西向

席皆莞筵紛純加藻席纈純

席閒量容牢饌典

饌監設洗於東階東南東西當東霑南北以堂深壘

水在洗東筐在洗西南肆

筐實以二巾二爵

設妃洗於東房

近北壘水在洗西筐在洗東北肆皆加勺巾冪典饌

監預饌於房西牖下籩豆各二十簋簠各二劔各三

瓦登一皆加巾冪蓋俎三尊在室內北牖下玄酒在

西皆加幕勺南枋幕夏用絺冬用緜尊於房戶外之東無玄

酒筐在南實四爵合盞其器皆烏漆惟登以陶盞以瓢皇太子車至

侍臣下馬所車權停文武侍臣皆下馬車右降立於

輅左車動車右夾輅而趨車至左閣迴輅南向左庶

子進當輅前奏稱左庶子臣某言請降輅俛伏興還

侍位皇太子降輅入俟於內殿門外之東西向侍衛

如常儀庶子以下皆退妃至宮門鹵簿仗衛停於門

外近侍者從入如常至左閣外迴輅南向司則進當

輅前啟請妃降輅掌筵依式執扇前後執燭竝如常

儀妃降輅就次整飾司閨引妃詣內殿門西東面皇

太子揖妃以入司閨前引升自西階姆從升執扇燭者陳於東西階內皇太子即席東向立妃即席西向立司饌進詣階閒北面跪奏稱司饌妾姓言請具牢

饌興司則承令曰諾司饌帥其屬升奉饌入設於皇

太子及妃座前醬在席前菹醢在其北俎三入設於

豆東豕俎特於俎北豆東菹醢之東司饌設黍於醬東稷在

東設湑於醬南饌要方也設對醬於東對醬婦醬也設之當特俎菹醢

在其南北上設黍於豕俎北其西稷稻粱設湑於醬

北司饌啟會卻於簋簋之南對簋簋於北啟發也豆蓋徹於房

內各加匕箸施設訖司饌北面跪奏饌具興皇太子

及妃俱坐司饌跪取脯擣於醢取韭菹擣醢授皇太子又司饌跪取脯擣於醢又取韭菹擣醢授妃皇太子及妃俱受祭於籩豆之間司饌興跪取黍實於左手徧取稷反於右手授皇太子又司饌取黍實於左手徧取稷反於右手授妃皇太子及妃各受祭於菹醢之間司饌俱興各立取肺皆絕末跪授皇太子及妃俱受又祭於菹醢之間司饌俱以肺加於俎掌嚴授皇太子巾又掌嚴授妃巾皇太子及妃俱悅手以枲扱上鉶徧擣之祭於上豆之間司饌品嘗皇太子饌又司饌品嘗妃饌司饌各移黍置於席上以次跪

授肺脊皇太子及妃皆食以清醬三飯卒食司饌北面跪奏稱司饌妾姓言請進酒司則承令曰依奏興司饌二人俱盥手洗爵於房入室詣酒尊所酌酒進北面立皇太子及妃俱興再拜一人進授爵皇太子一人以爵授妃皇太子及妃俱受爵司饌俱退北面答再拜皇太子及妃俱坐皇太子及妃俱祭酒舉酒司饌各以肝從司則俱進受虛爵奠於筐司饌又俱洗爵酌醕酌皇太子及妃受爵俱飲司則進受虛爵奠於筐三醕用盞如再酌皇太子及妃立於席後司則俱降東階洗爵升酌於戶外尊進北面俱奠爵興

再拜皇太子及妃俱答拜司則俱坐取爵祭酒遂飲
卒爵奠爵遂拜執爵興降奠爵於筐還侍位司饌北
面奏稱司饌妾姓言牢禮畢司則承令曰諾司饌徹
饌設於房司則前跪奏稱司則妾姓言請殿下入俛
伏興還侍位皇太子入於東房釋冕服著袴褶司則
啟妃入幃皇太子及妃俱入室媵餽皇太子之饌
御餽妃之饌

妃朝見

其日晝漏上水一刻所司設皇帝御座於所御殿阼

階上西向

其席莞筵紛純加藻席畫
純次席黼純左有玉几

所司設皇后御

座於室戶外之西近北南向尚食帥司饌設酒尊於

房內東壁下有坩加勺冪尊用瓦甒實以醴齊籩一豆一實以

脯醢設於尊北又設洗於東房近北壘水在洗西篚

在洗東北肆篚實以巾冪一解一角一其日夙興妃沐浴司則啟

請妃內嚴質明諸衛帥其屬陳布儀仗如常儀近仗

入陳於寢門外內廡尉進厭翟於正寢西階之前南

向司則啟外辦妃服褕翟加首飾以出降自西階升

輅侍衛如常至降車所司則贊妃降輅司言引妃入

仗衛停於閣外障扇侍從如常妃至寢門之外立於

西廂東向諸衛勒所部屯門布仗三仗入陳於所御

殿閣外如常侍中奏請內嚴尙儀又奏請皇后內嚴
妃旣至寢門侍中版奏外辦皇帝服通天冠絳紗袍
以出升自阼階卽御座西向坐侍衛如常儀尙儀又
奏皇后外辦皇后禕衣首飾司言引尙宮尙宮引皇
后出卽御座南向坐侍從如常妃奉筭棗栗司饌又
執奉筭殿脩以從司言引妃入立於庭北面再拜司
賓引妃升自西階進東面跪奠筭於御座前皇帝撫
之尙黻徹以東司言引妃自西階降復北面位奉筭
殿脩再拜司言引妃升進北面跪奠筭於皇后座前
興皇后撫之尙食進徹以東司言引妃自西階降退

立於西序東面又再拜司則設妃席於戶牖之間近
北南向司言引妃立於席西南向尚食入東房盥手
洗觶酌加柶面枋出進詣妃席前北向立妃進東面
拜受醴尚食薦脯醢於席前妃升席坐左執觶右取
脯擣於醢祭於籩豆之間以柶祭醴始扱一祭又扱
再祭降席進東面跪啐奠醴建柶奠觶興東面再拜
跪取觶興卽席坐奠觶於薦東興降席司賓引妃降
自西階出閤外旣出閤乘車還宮障扇侍從如來儀

會羣臣

皇帝會羣臣於太極殿如正冬之儀惟上壽辭云皇

太子嘉聘禮成克崇景祚臣某等不勝慶忭謹上千
萬歲壽

大唐開元禮卷第一百十一

大唐開元禮卷第一百十二

嘉禮

皇太子元正冬至受羣臣賀

并會

前二日本司宣攝內外各供其職 前一日典設設

皇太子幄座於正殿東序西向守宮設羣官等次於東宮朝堂伶官帥展軒懸於殿庭以姑洗之均又設三罇鐘姑洗夷則大呂各依辰位設登歌以南呂之均又設麾於殿上竝如常儀典設鋪羣官牀座於殿上文官三品以上於皇太子西南重行北向武官三品以上於皇太子西北重行南向俱以東爲上朝集

使三品以上及都督刺史各分方於文武之下設不

升殿者坐席於殿庭東西廂文官四品五品於懸東

六品以下於橫街之南每等異位俱重行西面北上

武官四品五品於懸西六品以下於橫街之南當文

官每等異位俱重行東面北上朝集使非升殿者分

方各於文武官當品之下諸州使人分方各於朝集

使之下亦如之諸親於四品五品之下宗親在東異姓親在西掌

儀仍各設版位奉禮設門外位於東宮朝堂之前文官在東

武官在西俱每等異位重行相向北上諸親位於文

武四品五品之下宗親在東異姓親在西設諸州朝集使位東

方南方於宗親之南每等異位重行西面西方北方
於異姓親之南每等異位重行東面俱以北爲上典
簞量設尊於西廊下近北設不升殿者酒尊各於其
座之南皆有坫冪俱障以帷 其日質明諸衛率各
勒所部屯門列仗文武羣官依時刻集朝堂次各服
公服左庶子量時刻版奏請中嚴近仗就陳於閣外
諸侍衛之官各服其器服俱詣閣奉迎伶官帥工人
二舞入就位又伶官帥一人升就舉麾位掌儀帥贊
者入就位吏部兵部戶部贊羣官俱出次通事舍人
各引就門外位又舍人引羣官等非升殿者先入就

位左庶子版奏外辦皇太子著從省服未冠則以出雙童髻

侍衛如常伶官帥舉麾奏永和之樂皇太子即座西

向坐偃麾樂止凡樂皆伶官帥舉麾工鼓祝而後作偃麾戛鼓而後止掌儀一

人升就西階上東面立贊者二人立於階下通事舍

人引羣官以次入就位公初入門舒和之樂作左庶

子前跪奏稱左庶子臣某言請殿下為公至興俛伏

興還侍位皇太子降立於座後若有三公諸伯叔則降立於東階下西面

公至階則升立於座後皇太子升降伶官帥舉麾樂作止如式公至階樂止公以下

升座者俱脫屣於階下所司預設脫屣席通事舍人接引羣

官升就位立定掌儀唱再拜贊者承傳羣官上下皆

再拜訖通事舍人引羣官爲首者一人進皇太子前

東面立賀稱元正首祚景福惟新伏惟皇太子殿下

與時同休冬至賀云天正長至伏惟殿下與時同休賀訖退復位皇太子

答再拜左庶子前承令進宣令訖羣官上下皆再拜

左庶子前跪奏稱左庶子臣某言請坐俛伏興還侍

位皇太子坐掌儀唱就坐贊者承傳羣官上下皆就

座俛伏坐伶官帥引歌者及琴瑟至階脫屣於下升

就位坐其笙管者詣階閒北面立典膳進酒至階掌

儀唱酒至興贊者承傳羣官上下皆俛伏興立席後

左庶子到階省酒典膳奉酒進皇太子舉酒食官令

又行羣官酒酒至掌儀唱再拜贊者承傳羣官上下

皆再拜

若皇太子遣
停拜則止

羣官皆搢笏受觶掌儀唱就位

贊者承傳上下皆就座俛伏興坐飲皇太子初飲福

酒登歌作昭和之樂典膳進受虛觶復於坵登歌訖

降復位觴行三周典膳進食食升階左庶子到階省

案掌儀唱食至興贊者承傳羣官上下俛伏興立座

後典膳品嘗食訖以次進置皇太子前食官令又行

羣官案

皇太子若不食及羣
官案先下訖不須興

設食訖掌儀唱就坐贊

者承傳羣官上下皆就座俛伏坐皇太子乃飯奏休

和之樂羣官上下俱飯皇太子食畢樂止仍行酒遂

設庶羞伶官帥二舞以次入作酒行九遍會畢掌儀
唱可起贊者承傳羣官上下皆俛伏起立席後左庶
子前跪奏稱左庶子臣某言請殿下降座俛伏興還
侍位皇太子降立於座後掌儀唱再拜贊者承傳羣
官上下皆再拜皇太子答再拜通事舍人各引羣官

降納履以出公初降樂作若有三公諸伯叔皇太子
升降伶官帥舉麾樂作止

如式公出門樂止庶子前跪奏稱左庶子臣某言請殿

下升座俛伏興還侍位樂作皇太子升座樂止羣官

出畢非升殿者仍
位於殿庭左庶子前跪奏稱左庶子臣某言

禮畢俛伏興還侍位皇太子興樂作皇太子降座以

入侍衛如來儀侍臣從至閤樂止又通事舍人側殿
庭者以次出皇太子若服袴褶羣官及宮臣皆袴褶
朝集使公服升座者脫屨如式若設四部樂則去樂懸無警
蹕伶官帥四部伎立於左右嘉善門外羣官初坐伶
官帥四部伎聲作而入各就坐以次作如式

大唐開元禮卷第一百十二